



TOSHKENT DAVLAT YURIDIK UNIVERSITETI REKTORINING BUYRUG‘I

22.01.2024

30-tm-son

Talabaga hayfsan e‘lon qilish to‘g‘risida

O‘zbekiston Respublikasi Prezidentining 2020-yil 29-apreldagi “O‘zbekiston Respublikasida yuridik ta‘lim va fanni tubdan takomillashtirish bo‘yicha qo‘shimcha chora tadbirlar to‘g‘risida”gi PF-5987-son Farmonining 2-bandiga muvofiq zamonaviy talablar, ilg‘or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta‘minlash yuridik ta‘lim va fanni yanada rivojlantirishning ustuvor yo‘nalishlaridan biri etib belgilangan.

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma‘naviy-axloqiy tarbiyalash, huquqiy madaniyati va ongini oshirish bo‘yicha samarali tizimni yaratish, ularda yuksak ma‘naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda. Shunga qaramasdan, ayrim talabalar tomonidan universitet Odob-axloq kodeksi hamda Ichki tartib qoidalari (ichki mehnat tartib qoidalari)ga rioya qilmasdan dars mashg‘ulotlarini uzrli sabablarsiz o‘tkazib yuborish holatlari kuzatilmoqda.

Universitet rektorining 2023-yil 31-maydagi “Toshkent davlat yuridik universitetining Ichki tartib qoidalari (ichki mehnat tartibi qoidalari)ni yangi tahrirda tasdiqlash to‘g‘risida”gi 81-son buyrug‘i bilan tasdiqlangan TDYU Ichki tartib qoidalari (ichki mehnat tartibi qoidalari)ning 83-bandi a) kichik bandiga muvofiq uzrli sabablarsiz 36 soatdan 74 soatgacha va 74 soat dars qoldirgan talabaga nisbatan, qoida tariqasida, hayfsan intizomiy chorasi qo‘llanilishi belgilangan.

Xalqaro huquq va qiyosiy huquqshunoslik fakultetining quyida ilovada keltirilgan talabalari 2022/2023 o‘quv yili birinchi semestrda uzrli sabablarsiz 36 soatdan 74 soatgacha va undan ortiq dars mashg‘ulotlarini qoldirgan bo‘lib, mazkur talabalarga nisbatan hayfsan intizomiy chorasi qo‘llash lozim bo‘ladi.

Yuqoridagilarni inobatga olib, universitet Odob-axloq kodeksi 27-moddasi va universitet Ichki tartib qoidalari (ichki mehnat tartibi qoidalari)ning 54, 83-bandlariga asosan hamda Xalqaro huquq va qiyosiy huquqshunoslik fakulteti dekanatining bildirgisiga muvofiq

BUYURAMAN:

1.Xalqaro huquq va qiyosiy huquqshunoslik fakultetining ro‘yhati ilovada keltirilgan talabalariga 2023/2024 o‘quv yili birinchi semestri davomida uzrli

sabablarsiz 36 soat va undan ortiq miqdorda dars mashg'ulotlarini qoldirganliklari uchun hayfsan intizomiy jazo chorasi qo'llanilsin.

2.Xalqaro huquq va qiyosiy huquqshunoslik fakulteti dekani (D.Umarxanova);

mazkur buyruq bilan fakultet talabalarini tanishtirsin;

mazkur talabalarning shaxsiy hujjatlar yig'ma jildlariga buyruq nusxasi tikilishini ta'minlasin.

3.Mazkur buyruq bajarilishini nazorat qilishni o'z zimmamda qoldiraman.

**Yoshlar masalalari va
ma'naviy-ma'rifiy ishlar
bo'yicha birinchi prorektor**



A.XASHIMHONOV

Toshkent shahar

Kiritildi:

Dekan o‘rinbosari

B.NORMATOV



Kelishildi:

Direktor

SH.PO‘LOTOV



Boshqarma boshlig‘i

S.BOZAROV



Katta yuriskonsult

A.TURSUNOV

